



NOTULE VAN 'N VERGADERING VAN DIE SWARTLAND MUNISIPALE RAAD GEHOU IN DIE STADSAAL, MALMESBURY OP DONDERDAG, 27 JULIE 2023 OM 10:00

TEENWOORDIG:

Speaker, rdh M A Rangasamy
Uitvoerende Burgemeester, rdh J H Cleophas
Uitvoerende Onderburgemeester, rdl J M de Beer

RAADSLEDE:

Bess, D G (DA)	Penxa, B J (ANC)
Booyesen, A M (VF+)	Pieters, C (ANC)
Daniels, C (DA)	Pypers, D C (DA)
Duda, A A (EFF)	Smit, N (DA)
Fortuin, C (ANC)	Soldaka, P E (ANC)
Jooste, R J (DA)	Van Essen, T (DA)
Le Minnie, I S (DA)	Van Zyl, M (DA)
Ngozi, M (ANC)	Vermeulen, G (VF+)
O'Kennedy, E C (DA)	Warnick, A K (DA)
Papier, J R (GOOD)	

Beampptes:

Munisipale Bestuurder, mnr J J Scholtz
Direkteur: Siviele Ingenieursdienste, mnr L D Zikmann
Direkteur: Elektriese Ingenieursdienste, mnr T Möller
Direkteur: Finansiële Dienste, mnr M A C Bolton
Direkteur: Korporatiewe Dienste, me M S Terblanche
Direkteur: Ontwikkelingsdienste, me J S Krieger
Bestuurder: Sekretariaat en Rekords, me N Brand

1. OPENING

Die Speaker verwelkom die Uitvoerende Burgemeester, raadsdames, raadshere, raadslede en amptenare.

Pastoor De Waal Esterhuizen van die Sofar Gemeente, Malmesbury open die vergadering met skriflesing en gebed op uitnodiging van die Speaker.

Die Speaker dra sy gelukwense oor aan raadslede en amptenare wat die afgelope tyd verjaar het.

2. VERLOF TOT AFWESIGHEID

Verlof tot afwesigheid word verleen aan die Direkteur: Beskermingsdienste.

BESLUIT dat kennis geneem word dat rdh B J Stanley afwesig is sonder verlof.

3. AFVAARDIGINGS/VERKLARINGS EN MEDEDELINGS/VOORLEGGINGS

BESLUIT dat kennis geneem word van die mededeling deur die Munisipale Bestuurder dat die raadsvergadering in Augustus vervroeg na Donderdag, 24 Augustus 2023 om 10:00.

KENNIS GENEEM van die aanstelling van me C Arendse as administratiewe ondersteuning aan die Kantoor van die Speaker.

4. NOTULES VIR BEKRAGTIGING

4.1 NOTULE VAN 'N GEWONE RAADSVERGADERING GEHOU 25 MEI 2023

BESLUIT

(op voorstel van rdl N Smit, gesekondeer deur rdl A K Warnick)

Dat die notule van 'n Gewone Raadsvergadering gehou op 25 Mei 2023 goedgekeur en deur die Speaker onderteken word.

5. VERSLAGDOENING INSAKE GEDELEGEERDE BESLUITNEMING DEUR DIE UITVOERENDE BURGEMEESTER

BESLUIT

Dat kennis geneem word van die Uitvoerende Burgemeester se besluite ingevolge gedelegeerde bevoegdheid, soos vervat in die onderstaande notules:

5.1 NOTULE VAN 'N GEWONE VERGADERING VAN DIE UITVOERENDE BURGEMEESTERSKOMITEE GEHOU OP 17 MEI 2023 saamgelees met

NOTULES VAN PORTEFEULJEKOMITEEVERGADERINGS GEHOU OP 10 MEI 2023

5.2 NOTULE VAN 'N GEWONE VERGADERING VAN DIE UITVOERENDE BURGEMEESTERSKOMITEE GEHOU OP 13 JUNIE 2023 saamgelees met

NOTULES VAN PORTEFEULJEKOMITEEVERGADERINGS GEHOU OP 7 JUNIE 2023

6. VERSLAGDOENING INSAKE GEDELEGEERDE BESLUITNEMING DEUR DIE MUNISIPALE BESTUURDER

BESLUIT

Dat kennis geneem word van die Munisipale Bestuurder se besluite ingevolge gedelegeerde bevoegdheid, soos vervat in die onderstaande notules:

6.1 NOTULE VAN 'N VERGADERING VAN DIE BODBEOORDELINGSKOMITEE GEHOU OP 15 MEI 2023

6.2 NOTULE VAN 'N VERGADERING VAN DIE BODBEOORDELINGSKOMITEE GEHOU OP 17 MEI 2023

6.3 NOTULE VAN 'N VERGADERING VAN DIE BODBEOORDELINGSKOMITEE GEHOU OP 25 MEI 2023

6.4 NOTULE VAN 'N VERGADERING VAN DIE BODBEOORDELINGSKOMITEE GEHOU OP 5 JUNIE 2023

6.5 NOTULE VAN 'N VERGADERING VAN DIE BODBEOORDELINGSKOMITEE GEHOU OP 13 JUNIE 2023

6.6 NOTULE VAN 'N VERGADERING VAN DIE BODBEOORDELINGSKOMITEE GEHOU OP 17 JUNIE 2023

7. SAKE VOORTSPRUITEND UIT DIE NOTULES

Geen.

8. SAKE VIR BESPREKING

8.1 REGULASIES INSAKE GEDRAGKODE VIR RAADSLEDE (3/1/2)

Die Plaaslike Regering: Munisipale Stelsels Regulasies gedateer 25 Mei 2001 is met ingang van 14 Junie 2023 deur die Minister van Samewerkende Regering en Tradisionele Sake herroep en vervang met nuwe regulasies.

8.1/...

Die Regulasies soos per Staatskoerant, 48786 gedateer 14 Junie 2023 is nou van toepassing op alle raadslede en tradisionele en Khoi-San leiers onderhewig aan Item 17 van die Gedragskode vir Raadslede soos per Bylae 7 van die Wet op Plaaslike Regering: Munisipale Strukture, 1998.

BESLUIT

(op voorstel van A K Warnick, gesekondeer deur rdl D C Pypers)

- (a) Dat raadslede hulself vergewis van die inhoud van die 2023 Regulasies soos per Aanhangsel A tot die verslag, en (weer eens) van die Gedragskode vir Munisipale Raadslede soos per Aanhangsel B tot die verslag;
- (b) Dat raadslede in besonder kennis neem van hul verpligting om geskenke wat ontvang word by die kantoor van die Munisipale Bestuurder te registreer, en om in hierdie verband al die inligting soos gestipuleer te moet verskaf.

8.2 GEDRAGSKODE VIR RAADSLEDE: VERKLARING VAN BELANGE (3/1/2)

Die Gedragskode vir Raadslede soos vervat in Bylae 7 van die Munisipale Strukturewet, sowel as die Plaaslike Regering: Munisipale Stelsels Regulasies, 2023 bepaal, onder andere, dat raadslede op 'n jaarlikse basis hul belange moet verklaar, ingesluit geskenke wat deur 'n raadslid ontvang was

BESLUIT

(op voorstel van rdl I S le Minnie, gesekondeer deur rdl E C O'Kennedy)

- (a) Dat raadslede kennis neem van die bepalings ingevolge items 6 tot 8 van die Gedragskode vir Raadslede;
- (b) Dat raadslede kennis neem dat die aard of detail van die finansiële belange van 'n raadslid soos na verwys in Item 8 van die Gedragskode vir Raadslede, jaarliks op skrif aan die Munisipale Bestuurder verklaar moet word, ingesluit geskenke wat deur 'n raadslid ontvang word en wat in waarde R1 000,00 oorskry;
- (c) Dat kennis geneem word dat die verklaring soos na verwys in paragraaf (b), teen nie later nie as 31 Julie 2023 by die Direkteur: Korporatiewe Dienste ingedien moet word.

8.3 AANVAARDING VAN DIE VERORDENING INSAKE ELEKTRISITEITSVOORSIENING (1/1)

Die konsep Verordening insake Elektrisiteitsvoorsiening is op 26 April 2023 aan die Raad voorgelê vir doeleindes om die publieke deelnameproses te deurloop. Daar is geen kommentaar/insette ontvang teen die sperdatum van 26 Junie 2023 nie.

Die Verordening insake Elektrisiteitsvoorsiening is gewysig om, onder andere, in te sluit die regulering van elektriese opwekkingstoerusting en die tolkragverspreiding van elektrisiteit.

Die Uitvoerende Burgemeesterskomitee het op 19 Julie 2023 die verordening oorweeg vir voorlegging aan die Raad.

Die Speaker bring die aangeleentheid tot stemming en word dit beslis met 21 stemme ten gunste van die aanvaarding van die Verordening insake Elektrisiteitsvoorsiening met een raadslid wat buite stemming bly.

BESLUIT

(op voorstel van rdh T van Essen, gesekondeer deur rdl R J Jooste)

- (a) Dat die volgende verordening aangeneem word deur die Raad, om in werking te tree op datum van afkondiging in die Provinsiale Koerant:
 - Swartland Munisipaliteit: Verordening insake Elektrisiteitsvoorsiening

8.3/...

- (b) Dat boetes vir ootredings van die verordening vasgestel word deur die Departement van Justisie.

8.4 VOORLEGGING VAN DIE 2023/2024 PRESTASIE-OOREENKOMSTE EN -PLANNE (2/4/2)

Die prestasie-ooreenkomste en -planne vir die 2023/2024 finansiële jaar is opgestel ooreenkomstig Artikel 57 van die Wet op Plaaslike Regering: Munisipale Stelsels, 2000 (Wet 32 van 2000) en dien as 'n vervangende addendum tot die aanstellingskontrakte van die Munisipale Bestuurder en direkteure.

BESLUIT

(op voorstel van rdl E C O'Kennedy, gesekondeer deur rdl I S le Minnie)

Dat kennis geneem word van die Munisipale Bestuurder en direkteure se prestasie-ooreenkomste en -planne vir die 2023/2024 finansiële jaar.

8.5 VOORGESTELDE UIT-DIE-HAND-VERVREEMDING VAN 'N GEDEELTE VAN VIERDELAAN, MOORREESBURG (12/2/5/5-3/1)

'n Aansoek is ontvang vanaf *Hoerikwaggo CC* (Dr J Ferreira), die geregistreerde eienaar van Erwe 2276 en 2282, Moorreesburg vir die sluiting en om 'n gedeelte van Vierde Laan, Moorreesburg, wat aangrensend aan sy eiendom geleë is, te koop.

Daar is bevestig dat die gedeelte van Vierde Laan (groot 1693 m²) nie vir die verskaffing van 'n minimum of enige ander vlak van basiese munisipale dienste benodig word nie en dus uit-die-hand uit vevreem en oorgedra kan word. Die markwaarde van gemelde eiendom beloop R88 036.00 (BTW uitgesluit).

BESLUIT

(op voorstel van rdl D C Pypers, gesekondeer deur rdl D G Bess)

- (a) Dat die Raad goedkeuring verleen in terme van die toepaslike Verordening asook Artikel 14 van die Wet op Munisipale Finansiële Bestuur, 2003 dat 'n gedeelte van Vierdelaan, Moorreesburg (groot 1693 m²) uit-die-hand uit aan Hoerikwaggo CC (die eienaar van erwe 2276 en 2282, Moorreesburg) vevreem en oorgedra word, en wel teen R88 036.00 BTW uitgesluit, vir konsolidasie met gemelde erwe;
- (b) Dat kennis geneem word dat die eiendom nie vir die verskaffing van 'n minimum of enige ander vlak van basiese munisipale dienste benodig word nie;
- (c) Dat die volgende redes genotuleer word vir die uit-die-hand vevreemding soos voormeld, sonder om 'n openbare mededingingsproses te deurloop:
 - (i) Die eiendom as 'nie-bestaanbare bate' kwalifiseer deurdat dit as gevolg van fisiese beperkings nie as 'n afsonderlike entiteit sinvol ontwikkel kan word binne die ontwikkelingsparameters vir Vervoersone 2 nie, en dus slegs funksioneel raak indien dit vevreem word aan 'n aangrensende eienaar vir gebruik daarvan tesame met sy of haar eiendom, soos voorgestel;
 - (ii) Oordrag van die eiendom aan 'n individu of entiteit die Munisipaliteit van sy onderhoudslas vrystel, asook die risiko beperk van potensiële grondbesetting of wanaanwending (bv. onwettige storting);
- (d) Dat die volgende voorwaardes van verkoop op die transaksie van toepassing sal wees:
 - (i) Die betrokke gedeelte van Vierdelaan, Moorreesburg gesluit moet word en aansoek gedoen word vir vrystelling vir die onderverdeling en konsolidasie van die gedeelte straat ingevolge Artikel 34 van die Verordening insake Grondgebruikbeplanning;
 - (ii)/...

8.5(d)/...

- (ii) Die sonering van die gedeelte straat sal vestig as Residensiële sone 5, volgens die bepaling van artikel 12.9(h) van die Verordening insake Grondgebruikbeplanning;
 - (iii) Benewens die koopprys, die koper verantwoordelik sal wees vir alle aanvullende en toevallige kostes wat uit die transaksie mag voortspruit, ingesluit advertensiekostes, oordragkoste en die kostes van konsolidasie;
- (e) Dat die voorgenome transaksie in die media geadverteer word vir kommentaar en/of potensiële besware, en dat die Uitvoerende Burgemeester met volmag beklee word om in oorlegpleging met sy komitee te handel met enige besware wat ontvang sou word;
- (f) Dat alvorens die voorneme geadverteer word, daar eers skriftelike bevestiging van Hoerikwaggo CC bekom word dat die entiteit instem tot die voorwaardes soos vervat in hierdie verslag;
- (g) Dat die Direkteur: Korporatiewe Dienste volmag verleen word om die verkoop-ooreenkoms te mag finaliseer en onderteken.

8.6 VOORGESTELDE VERVREEMDING VAN ONGEREGISTREERDE ERF 12857, MALMESBURY (12/2/5/2-8/5)

Swartland Munisipaliteit is die eienaar van ongeregisteerde Erf 12857, Malmesbury wat geleë is binne die De Hoop-behuisingsprojek en gesoneer is as Gemeenskapsone 1: Plek van Onderrig.

Daar is oënskynlik 'n groot behoefte aan kindersorgfasiliteite in die area en daarom is belangstelling ontvang om Erf 12857, Malmesbury vir hierdie doeleindes te bekom. Daar word dus voorgestel dat Erf 12857, Malmesbury by wyse van 'n openbare mededingingsproses vir vervreemding vir die vestiging van 'n Vroeë Kinderontwikkelingsentrum beskikbaar gestel word.

BESLUIT

(op voorstel van rdl J M de Beer, gesekondeer deur rdl C Daniels)

- (a) Dat die Raad in beginsel goedkeuring verleen in terme van Artikel 14 van die Wet op Munisipale Finansiële Bestuur, 2003 en die Verordening en Beleid insake die Oordrag van Munisipale Bates dat ongeregisteerde Erf 12875, Malmesbury (1001 m² groot) by wyse van 'n openbare mededingingsproses (wat 'n twee-fase bodproses mag behels) vir vervreemding beskikbaar gestel word aan instellings met bewese ervaring in Vroeë Kinderontwikkeling;
- (b) Dat kennis geneem word dat die eiendom wat te koop aangebied staan te word uit die staanspoor vir vervreemding vir gemeenskapsdoeleindes (plek van onderrig) ingevolge die sonering daarvan geïdentifiseer is en in geen stadium vir die verskaffing van 'n minimum of enige ander vlak van basiese munisipale dienste geormerk is nie;
- (c) Dat die onderstaande gesubsidieerde prys as reserweprys (BTW uitgesluit) vir die eiendom vasgestel word, ooreenkomstig die bevoegdheid aldus verleen deur paragraaf 15.2.2 van die Munisipaliteit se Beleid insake die Oordrag van Munisipale Bates:
 - Ongeregisteerde Erf 12875 Malmesbury R16 000.00 (20% x R80 000.00)
- (d) Dat die koper, benewens die koopprys ook verantwoordelik sal wees vir alle aanvullende en toevallige kostes wat uit die transaksie mag voortspruit, waaronder oordragkoste;
- (e)/...

8.6/...

- (e) Dat die voorgename transaksie in die media geadverteer word vir kommentaar en/of potensiele besware, en dat die Uitvoerende Burgemeester met volmag beklee word om in oorlegpleging met sy komitee te handel met enige besware wat ontvang sou word;
- (f) Dat volmag verleen word
- (i) aan die Uitvoerende Burgemeesterskomitee om
- te handel met enige kommentaar en/of beswaar wat in verband met die voorgename transaksie ontvang word; en om
 - 'n besluit te mag finaliseer rakende die oordrag van die bate, nadat die toepaslike Voorsieningskanaal- en ander wetgewing gevolg is;
- (ii) aan die Direkteur: Korporatiewe Dienste om die evalueringskriteria en voorwaardes van verkoop vir tenderdoeleindes te finaliseer in oorlegpleging met al die tersaaklike interne rolspelers, met inagneming van die toepaslike bepalings in die Beleid insake die Oordrag van Munisipale Bates, waaronder dat 'n toepaslike terugvalklousule teen die eiendom geregistreer moet word.

8.7 KONTRAKTE MET TOEKOMSTIGE BEGROTINGSIMPLIKASIES: SLUIT VAN 'N WATERVOORSIENINGSOOREENKOMS MET DIE DEPARTEMENT VAN WATER EN SANITASIE (5/2/1)

Swartland Munisipaliteit het reeds in 2020 aangedui om 'n allokasie te ontvang uit die *Berg River Voëlvlei Augmentation Scheme* (BRVAS) wat tans deur die *Trans Caledon Tunnel Authority* (TCTA) en die Nasionale Departement van Waterwese geïmplementeer word.

Die Direkteur: Siviele Ingenieursdienste behandel die verslag en noem dat die allokasie sedertdien verhoog het vanaf 0.66 tot 1.66 miljoen m³/jaar. Daar word vereis dat 'n Watervoorsieningsooreenkoms met die Departement van Waterwese en Sanitasie gesluit word om die allokasie te bevestig wat toekomstige finansiële verpligtinge op die Munisipaliteit plaas wat nie deel vorm van die goedgekeurde 2023/2024 meerjarige begroting nie.

Die voorgeskrewe proses ingevolge Artikel 33 van die Plaaslike Regering: Munisipale Finansiële Bestuur, Wet 56 van 2003 is gevolglik deurloop en was daar slegs een kommentaar ontvang wat die allokasie vanuit die BVRAS ondersteun.

BESLUIT

(op voorstel van rdh T van Essen, gesekondeer deur rdl R J Jooste)

Dat, ter uitvoering van Artikel 33 van die Wet op die Bestuur van Munisipale Finansies –

- (a) die Raad kennis neem dat ten einde 'n allokasie uit die Bergrivier/Voëlvlei Aanvullingskema te bekom, die Departement van Water en Sanitasie vereis dat 'n Watervoorsieningsooreenkoms met die Departement gesluit word;
- (b) die Raad kennis neem dat die sluit van die Watervoorsieningsooreenkoms toekomstige finansiële verpligtinge vir die Munisipaliteit sal meebring wat nie deel vorm van die goedgekeurde 2023/2024 meerjarige begroting nie en verder dat:
- (i) die aanduidende kapitale eenheidskoste R 4.60/m³ beloop met beplande voltooiing in 2026/2027 en 'n terugbetaalperiode van 20 jaar;
- (ii) die kapitale eenheidskoste van R4.60/m³ onderhewig is aan wysiging en bepaal sal word volgens die finale implementeringskoste van die Bergrivier/Voëlvlei Aanvullingskema;
- (iii) die jaarlikse terugbetaling vir Swartland Munisipaliteit bereken is op R7,636,000 volgens die toekenning van 1.66 miljoen m³/jaar en die aanduidende kapitale eenheidskoste van R 4.60/m³;

(c)/...

8.7/...

- (c) die Raad kennis neem dat kommentaar ingevolge die bepalings van Artikel 33(1)(b)(iii) en (iv) van die Wet op Munisipale Finansiële Bestuur (MFMA) slegs ontvang was van Mnr Peter King wat aangedui het dat hy die Bergrivier/Voëlvlei Aanvullingskema en die sluit van die watervoorsieningsooreenkoms ondersteun en dat:
 - (i) geen verdere handeling voortspruit met oorweging van die kommentaar van Mnr Peter King ingevolge artikel 33 (1)(b) of the MFMA nie;
- (d) die Raad goedkeuring verleen dat die Watervoorsieningsooreenkoms soos aangeheg aan die verslag met die Departement van Water en Sanitasie gesluit word onderhewig daaraan dat:
 - (i) terugbetaling ingevolge die bepalings van die Watervoorsieningsooreenkoms eers gemaak sal word met die verhoging in die gelisensieerde rouwater onttrekkingstoekenning aan Swartland Munisipaliteit ooreenkomstig die toekenning vanuit die Bergrivier/Voëlvlei Aanvullingskema;
- (e) die Munisipale Bestuurder gemagtig word om die Watervoorsieningsooreenkoms te onderteken.

8.8 VERSLAGDOENING T.O.V. ARTIKEL 15(3) VAN DIE WET OP MUNISIPALE EIENDOMSBELASTING INSAKE BELASTINGVRYSTELLINGS, -KORTING EN VERMINDERING EN “REVENUE FORGONE” VIR DIE 2021/2022 FINANSIËLE JAAR (5/3/1/3)

Ingevolge artikel 15(3) van Munisipale Eiendomsbelastingwet, 2004 (Wet 6 van 2004) is die Munisipale Bestuurder verplig om jaarliks verslag te doen aan die Raad rakende alle belasting- vrystellings, -afslag en -kortings wat in die vorige finansiële jaar toegestaan is.

Die verslag vir die periode 1 Julie 2022 tot 30 Junie 2023 is met die sakelys gesirkuleer.

BESLUIT

(op voorstel van rdh J H Cleophas, gesekondeer deur rdh T van Essen)

Dat kennis geneem word van die vrystellings van munisipale eiendomsbelasting aan openbare weldaadsorganisasies/nie-regeringsorganisasies, afslag, kortings toegestaan en inkomste afgestaan (*revenue forgone*) soos gestaaf in die verslag vir die finansiële jaar geëindig 30 Junie 2023.

8.9 KWARTAALVERSLAG (ARTIKEL 52 VAN MFMA): APRIL TOT JUNIE 2023 (7/1/2/2-2)

Die voorlegging van die kwartaalverslag aan die Raad word voorgeskryf deur Artikel 52(d) van die Wet op Plaaslike Regering: Munisipale Finansiële Bestuur, Wet 56 van 2003 (MFMA).

BESLUIT

(op voorstel van rdl E C O’Kennedy, gesekondeer deur rdl C Daniels)

Dat die Raad kennis neem van die aangehegte kwartaalverslag, soos voorgeskryf deur Artikel 52 van die Wet op Munisipale Finansiële Bestuur, Wet 56 van 2003 ten opsigte van die implementering van die begroting sowel as die prestasie teenoor die Topvlak Dienslewering- en Begrotingimplementeringsplan van die Munisipaliteit vir die periode 1 April tot 30 Junie 2023 met inagneming dat sommige prestasie-aanwysers geaffekteer sal word as gevolg van die finalisering van jaareindprosesse.

8.10 JAARLIKSE VERSLAGDOENING INSAKE DIE IMPLEMENTERING VAN DIE VOORSIENINGKANAALBESTUURSBELEID (8/1/B/2)

Regulasie 6(2)(a)(i) van die *Municipal Supply Chain Management Regulations* bepaal dat daar jaarliks 'n verslag aan die Raad voorgelê moet word aangaande die implementering van die Voorsieningkanaalbestuursbeleid.

8.10/...

Die jaarverslag vir die periode 1 Julie 2022 tot 30 Junie 2023 is met die sakelys gesirkuleer.

BESLUIT

(op voorstel van rdl A K Warnick, gesekondeer deur rdl N Smit)

- (a) Dat kennis geneem word van die jaarverslag insake die implementering van die Voorsieningkanaalbestuursbeleid gedurende die 2022/2023 finansiële jaar ingevolge artikel 6(2)(a)(i) van die Regulasies, asook die verslae van die Formele Tenders (Aanhangsel A), Informele Tenders (Aanhangsel B) en die Afwykingsverslag (Aanhangsel C);
- (b) Dat verder kennis geneem word van die dienste gelewer vir die tydperk 1 April 2023 tot 30 Junie 2023 met verwysing na die uitsonderings waar dit onprakties was om die mark te toets en dus 'n afwyking van die verkrygingsprosesse ingevolge paragraaf 2(6) van die Voorsieningkanaalbestuursbeleid genoodsaak het (Aanhangsel D). Kennis moet geneem word dat betalings nog in die 2022/2023 finansiële jaar gefinaliseer moet word en sal enige verskille ten opsigte van Kwartaal 4 ingevolge wetgewing in die volgende kwartaalverslag vermeld word, onderhewig aan die transaksies/syfers wat die volledigheid van die finansiële state mag beïnvloed.

**GETEKEN:
SPEAKER**